

楞嚴經(經文背誦頁數)

卷一		
1	P22 頁 第 5 行 -p22-7	有三摩提，名大佛頂，首楞嚴王，具足萬行；十方如來，一門超出，妙莊嚴路。
2	P26-1	使汝流轉，心目為咎。
3	P45 頁 第 4 行 -p46-7	佛告阿難：一切眾生，從無始來，種種顛倒，業種自然，如惡叉聚。諸修行人，不能得成無上菩提，乃至別成聲聞緣覺，及成外道，諸天魔王，及魔眷屬。皆由不知二種根本，錯亂修習。猶如煮沙，欲成嘉饌，縱經塵劫，終不能得。 云何二種？阿難： 一者、無始生死根本。則汝今者，與諸眾生，用攀緣心，為自性者。 二者、無始菩提涅槃，元清淨體。則汝今者，識精元明，能生諸緣，緣所遺者。由諸眾生，遺此本明，雖終日行，而不自覺，枉入諸趣。
4	P48-3- p48-7	佛言：咄！ 阿難，此非汝心。阿難矍然！避座合掌，起立白佛：此非我心，當名何等？ 佛告阿難：此是前塵，虛妄相想，惑汝真性，由汝無始，至於今生，認賊為子，失汝元常，故受輪轉。
5	P50- 4 - p50-5	如來常說：諸法所生，唯心所現，一切因果，世界微塵，因心成體。
6	P51- 1 - p52-4	若汝執悞分別覺觀，所了知性，必為心者，此心即應離諸一切色、香、味、觸，諸塵事業，別有全性。如汝今者，承聽我法，此則因聲，而有分別。 縱滅一切，見、聞、覺、知，內守幽閑，猶為法塵，分別影事，我非救汝，執為非心，但汝於心，微細揣摩，若離前塵，有分別性，即真汝心。若分別性，離塵無體，斯則前塵，分別影

		事。塵非常住，若變滅時，此心則同，龜毛兔角；則汝法身，同於斷滅，其誰修證，無生法忍？
7	P52-5 - p53-1	佛告阿難：世間一切諸修學人，現前雖成九次第定，不得漏盡，成阿羅漢，皆由執此生死妄想，誤為真實。是故汝今雖得多聞，不成聖果。
8	P53-3 - p54-3	而白佛言：自我從佛，發心出家，恃佛威神，常自思惟，無勞我修，將謂如來，惠我三昧，不知身心本不相代，失我本心，雖身出家，心不入道：譬如窮子，捨父逃逝。 今日乃知：雖有多聞，若不修行，與不聞等；如人說食，終不能飽。世尊！我等今者，二障所纏，良由不知寂常心性，惟願如來，哀愍窮露，發妙明心，開我道眼。
9	P54-7 - p55-2	告阿難言：吾今為汝，建大法幢，亦令十方，一切眾生，獲妙微密，性淨明心，得清淨眼。
10	P58-5 - p58-7	是故當知：燈能顯色，如是見者，是眼非燈；眼能顯色，如是見性，是心非眼。
11	63-5 - p64-4	於是如來，普告大眾：若復眾生，以搖動者，名之為塵；以不住者，名之為客。汝觀阿難，頭自動搖，見無所動；又汝觀我，手自開合，見無舒卷。云何汝今，以動為身？以動為境？從始泊終，念念生滅？遺失真性，顛倒行事，性心失真，認物為己，輪迴是中，自取流轉。
卷二		
12	P73-7	佛言：我今示汝，不生滅性。
	P75-3 - p75-7	佛言：大王！汝面雖皺，而此見精，性未曾皺；皺者為變，不皺非變。變者受滅，彼不變者，元無生滅。云何於中，受汝生死？而猶引彼末伽黎等，都言此身，死後全滅。
13	P78-5 - p80-3	諸善男子！我常說言：色心諸緣，及心所使，諸所緣法，唯心所現。汝身汝心，皆是妙明，真精妙心中所現物。云何汝等，遺失本妙，圓妙明心，寶明妙性，認悟中迷？晦昧為空，空晦暗中，結暗為色。色雜妄想，想相為身。聚緣內搖，趣外奔逸，昏擾擾相，以為心性。一迷為心，決定惑為色身之內。不知色身，外泊山河，虛空大地，咸是妙明，真心中物。譬如澄清，百千大海，棄之，唯認一浮漚體。目為全潮，窮盡瀛渤。汝等即是迷中

		倍人，如我垂手，等無差別，如來說為可憐愍者！
14	p81-1 - p81-2	佛告阿難！汝等尚以緣心聽法，此法亦緣，非得法性。
15	P86-5 - p87-2	佛告阿難，吾今問汝： 今汝未得無漏清淨，承佛神力，見於初禪，得無障礙； 而阿那律，見閻浮提，如觀掌中，菴摩羅果。 諸菩薩等，見百千界。 十方如來，窮盡微塵，清淨國土，無所不矚； 眾生洞視，不過分寸。
16	P92-5 - p93-2	一切眾生，從無始來，迷己為物，失於本心，為物所轉，故於是中，觀大觀小。若能轉物，則同如來，身心圓明，不動道場。於一毛端，遍能含受，十方國土。
17	P100-1 - p100-5	佛告文殊及諸大眾：十方如來，及大菩薩，於其自住三摩地中，見與見緣，并所想相，如虛空華，本無所有。此見及緣，元是菩提，妙淨明體，云何於中，有是非是？
18	P106-1 - p106-4	當知如是精覺妙明，非因非緣，亦非自然，非不自然，無非不非，無是非是。離一切相，即一切法。
19	P107-2 - p107-3	佛言阿難！我說世間，諸因緣相，非第一義。
20	P108-6 - p109-3	是故阿難！汝今當知：見明之時，見非是明；見暗之時，見非是暗；見空之時，見非是空；見塞之時，見非是塞。四義成就。汝復應知：見見之時，見非是見，見猶離見，見不能及。云何復說因緣自然，及和合相？
21	P111-2 - p111-	阿難！一切眾生，輪迴世間，由二顛倒，分別見妄，當處發生，當業輪轉。 云何二見？

	5	一者，眾生別業妄見； 二者，眾生同分妄見。
22	P116- 4 - p116- 7	是故汝今，見我及汝，并諸世間，十類眾生，皆即見眚，非見眚者。彼見真精，性非眚者，故不名見。
23	P117- 4 - p118- 2	例閻浮提，三千洲中，兼四大海，娑婆世界，并洎十方，諸有漏國，及諸眾生。同是覺明，無漏妙心，見聞覺知，虛妄病緣，和合妄生，和合妄死。若能遠離諸和合緣，及不和合，則復滅除諸生死因。圓滿菩提，不生滅性。清淨本心，本覺常住。
24	P122- 7 - p123- 7	阿難！汝猶未明，一切浮塵，諸幻化相，當處出生，隨處滅盡，幻妄稱相，其性真為妙覺明體。如是乃至，五陰、六入、從十二處、至十八界，因緣和合，虛妄有生；因緣別離，虛妄名滅。殊不能知，生滅去來，本如來藏，常住妙明，不動周圓，妙真如性。性真常中，求於去來，迷悟生死，了無所得。

卷三

25	P170- 3 - p171- 3	爾時世尊，告阿難言：汝先厭離，聲聞緣覺，諸小乘法，發心勤求，無上菩提，故我今時，為汝開示，第一義諦。如何復將世間戲論，妄想因緣，而自纏繞！汝雖多聞，如說藥人，真藥現前，不能分別，如來說為，真可憐愍！汝今諦聽，吾當為汝分別開示；亦令當來修大乘者，通達實相。
26	P194- 7 - p195- 4	汝元不知：如來藏中，性識明知，覺明真識，妙覺湛然，遍周法界。含吐十虛，寧有方所？循業發現，世間無知，惑為因緣，及自然性，皆是識心，分別計度，但有言說，都無實義。
27	P196- 7 - p196- 1	妙湛總持不動尊，首楞嚴王世希有！ 銷我億劫顛倒想，不歷僧祇獲法身。 願今得果成寶王，還度如是恒沙眾， 將此深心奉塵刹，是則名為報佛恩。 伏請世尊為證明，五濁惡世誓先入， 如一眾生未成佛，終不於此取泥洹。

		<p>大雄大力大慈悲，希更審除微細惑， 令我早登無上覺，於十方界坐道場。 舜若多性可銷亡，爍迦羅心無動轉。</p>
<p>卷四</p>		
28	P206- 2 - p206- 6	<p>如來今日，普為此會，宣勝義中，真勝義性。令汝會中，定性聲聞，及諸一切。未得二空，迴向上乘。阿羅漢等。皆獲一乘，寂滅場地，真阿練若，正修行處。</p>
29	P211- 5 - p212- 1	<p>胎卵濕化，隨其所應。卵唯想生，胎因情有，濕以合感，化以離應。情想合離，更相變易。所有受業，逐其飛沈，以是因緣，眾生相續。</p>
30	P212- 1 - p213- 4	<p>富樓那，想愛同結，愛不能離，則諸世間，父母子孫，相生不斷。是等則以，欲貪為本。 貪愛同滋，貪不能止，則諸世間，卵化濕胎，隨力強弱，遞相吞食，是等則以，殺貪為本。 以人食羊，羊死為人，人死為羊。如是乃至十生之類，死死生生，互來相噉，惡業俱生，窮未來際。是等則以盜貪為本。 汝負我命，我還汝債，以是因緣，經百千劫，常在生死。 汝愛我心，我憐汝色；以是因緣，經百千劫，常在纏縛。 唯殺、盜、婬，三為根本，以是因緣，業果相續。</p>
31	P216- 7 - p217- 2	<p>又如金礦，雜於精金，其金一純，更不成雜，如木成灰，不重為木。諸佛如來，菩提涅槃，亦復如是。</p>
32	P217- 5	<p>譬如虛空，體非群相，而不拒彼諸相發揮。</p>
33	P220- 4 - p221- 7	<p>富樓那！汝以色空，相傾相奪，於如來藏，而如來藏，隨為色空，周遍法界。是故於中，風動空澄，日明雲暗，眾生迷悶，背覺合塵，故發塵勞，有世間相。 我以妙明，不滅不生，合如來藏；而如來藏，唯妙覺明，圓照法界。是故於中，一為無量，無量為一；小中現大，大中現小。不</p>

		動道場，遍十方界；身含十方，無盡虛空；於一毛端，現寶王剎；坐微塵裏，轉大法輪。滅塵合覺，故發真如，妙覺明性。而如來藏，本妙圓心。
34	P225- 2 - p225- 5	汝與眾生，亦復如是。寶覺真心，各各圓滿，如我按指，海印發光，汝暫舉心，塵勞先起。由不勤求，無上覺道，愛念小乘，得少為足。
35	P228- 5 - p229- 6	汝但不隨，分別世間、業果、眾生，三種相續，三緣斷故，三因不生。則汝心中，演若達多，狂性自歇，歇即菩提。勝淨明心，本周法界，不從人得，何藉劬勞，肯綮修證。 譬如有人：於自衣中，繫如意珠，不自覺知，窮露他方，乞食馳走，雖實貧窮，珠不曾失，忽有智者，指示其珠，所願從心，致大饒富。方悟神珠，非從外得。
36	P232- 4 - p232- 6	是故我言：三緣斷故，即菩提心。菩提心生，生滅心滅。此但生滅。滅生俱盡，無功用道。
37	P238- 1 - p239- 1	汝等決定，發菩提心，於佛如來，妙三摩提，不生疲倦，應當先明，發覺初心，二決定義。 云何初心，二義決定？ 阿難！ 第一義者：汝等若欲捐捨聲聞，修菩薩乘，入佛知見，應當審觀因地發心，與果地覺，為同為異？ 阿難：若於因地，以生滅心，為本修因，而求佛乘，不生不滅。無有是處。
38	P242- 4 - p243- 5	汝今欲令見、聞、覺、知，遠契如來，常樂我淨。應當先擇，死生根本，依不生滅，圓湛性成。以湛旋其虛妄滅生，伏還元覺；得元明覺，無生滅性，為因地心。然後圓成，果地修證。 如澄濁水，貯於靜器，靜深不動，沙土自沈，清水現前，名為初伏客塵煩惱。 去泥純水，名為永斷根本無明。 明相精純，一切變現，不為煩惱，皆合涅槃清淨妙德。

		第二義者：汝等必欲，發菩提心，於菩薩乘，生大勇猛，決定棄捐，諸有為相。應當審詳，煩惱根本，此無始來，發業潤生，誰作誰受？
39	P244- 2 - p245- 2	阿難！汝修菩提，若不審觀煩惱根本，則不能知，虛妄根塵，何處顛倒。處尚不知，云何降伏，取如來位？ 阿難！汝觀：世間解結之人，不見所結，云何知解？不聞虛空，被汝隳裂。何以故？ 空無形相，無結解故。則汝現前，眼、耳、鼻、舌，及與身心，六為賊媒，自劫家寶。由此無始，眾生世界，生纏縛故，於器世間，不能超越。
40	P250- 1	令汝但於一門深入。入一無妄，彼六知根，一時清淨。
41	P252- 7 - p255- 5	由明、暗等，二種相形，於妙圓中，黏湛發見。見精映色，結色成根；根元目為，清淨四大，因名眼體；，如蒲萄朵，浮根四塵，流逸奔色。 由動、靜等，二種相擊，於妙圓中，黏湛發聽。聽精映聲，卷聲成根，根元目為，清淨四大。因名耳體，如新卷葉，浮根四塵，流逸奔聲。 由通、塞等，二種相發，於妙圓中，黏湛發嗅。嗅精映香，納香成根，根元目為，清淨四大。因名鼻體，如雙垂爪，浮根四塵，流逸奔香。 由恬、變等，二種相參，於妙圓中，黏湛發嘗。嘗精映味，絞味成根，根元目為，清淨四大。因名舌體，如初偃月，浮根四塵，流逸奔味。 由離、合等，二種相摩，於妙圓中，黏湛發覺，覺精映觸，搏觸成根，根元目為，清淨四大。因名身體，如腰鼓顛，浮根四塵，流逸奔觸。 由生、滅等，二種相續，於妙圓中，黏湛發知。知精映法，攬法成根，根元目為，清淨四大。因名意思，如幽室見，浮根四塵，

		流逸奔法。
42	P256- 3 - p257- 1	汝但不循動、靜、合、離、恬、變、通、塞、生、滅、明、暗，如是十二諸有為相。隨拔一根，脫黏內伏，伏歸元真，發本明耀。耀性發明，諸餘五黏，應拔圓脫。不由前塵，所起知見，明不循根，寄根明發；由是六根互相為用。
43	P259- 2 - p259- 6	世尊！如佛說言，因地覺心，欲求常住，要與果位，名目相應。世尊！如果位中，菩提、涅槃，真如、佛性，菴摩羅識，空如來藏，大圓鏡智，是七種名，稱謂雖別，清淨圓滿，體性堅凝，如金剛王，常住不壞。
44	P266- 1 - p267- 2	阿難，是人夢中，豈憶靜搖。開閉通塞？其形雖寐，聞性不昏。縱汝形銷，命光遷謝，此性云何，為汝銷滅？以諸眾生，從無始來，循諸色聲，逐念流轉，曾不開悟，性淨妙常。不循所常，逐諸生滅，由是生生，雜染流轉，若棄生滅，守於真常，常光現前，根塵識心，應時銷落。想相為塵，識情為垢。二俱遠離，則汝法眼，應時清明，云何不成無上知覺？
卷五		
45	P273- 3 - p274- 2	於是阿難及諸大眾，俱聞十方，微塵如來，異口同音，告阿難言：善哉阿難！汝欲識知，俱生無明，使汝輪轉，生死結根。唯汝六根，更無他物。汝復欲知，無上菩提。令汝速證，安樂解脫，寂靜妙常，亦汝六根，更非他物。
46	P275- 4 - p277- 7	真性有為空，緣生故如幻；無為無起滅，不實如空華。言妄顯諸真，妄真同二妄；猶非真非真，云何見所見？中間無實性，是故若交蘆。結解同所因，聖凡無二路。汝觀交中性，空有二俱非。迷晦即無明，發明便解脫。解結因次第，六解一亦亡；根選擇圓通，入流成正覺。陀那微細識，習氣成瀑流；真非真恐迷，我常不開演。自心取自心，非幻成幻法；不取無非幻，非幻尚不生，幻法云何立？是名妙蓮華，金剛王寶覺。如幻三摩提，彈指超無學。此阿毗達磨，十方薄伽梵，一路涅槃門。

47	P282- 2 - p282- 4	佛言:如是!六結不同,循顧本因,一巾所造,令其雜亂,終不得成。則汝六根,亦復如是。畢竟同中,生畢竟異。
48	P286- 3 - p286- 6	佛言:六根解除,亦復如是。此根初解,先得人空,空性圓明,成法解脫,解脫法已,俱空不生。是名菩薩,從三摩地,得無生忍。
49	P302- 1	從佛口生,從法化生。
50	P323- 3 - p323- 6	我本因地,以念佛心,入無生忍。今於此界,攝念佛人,歸於淨土。佛問圓通,我無選擇,都攝六根,淨念相繼,得三摩地,斯為第一。
卷六		
51	P329- 1 - p331- 2	爾時觀世音菩薩,即從座起,頂禮佛足,而白佛言:世尊!憶念我昔,無數恒河沙劫,於時有佛,出現於世,名觀世音。我於彼佛,發菩提心,彼佛教我,從聞、思、修,入三摩地。 初於聞中,入流亡所,所入既寂,動靜二相,了然不生。 如是漸增,聞所聞盡; 盡聞不住,覺所覺空; 空覺極圓,空所空滅; 生滅既滅,寂滅現前。 忽然超越,世出世間,十方圓明,獲二殊勝。 一者,上合十方諸佛,本妙覺心,與佛如來,同一慈力。 二者,下合十方一切,六道眾生,與諸眾生,同一悲仰。 世尊!由我供養觀音如來;蒙彼如來,授我如幻,聞熏聞修。金剛三昧,與佛如來,同慈力故,令我身成三十二應,入諸國土。
52	P352- 2 - p353- 6	文殊師利法王子,奉佛慈旨,即從座起,頂禮佛足,承佛威神說偈對佛: 覺海性澄圓,圓澄覺元妙,元明照生所,所立照性亡。

		迷妄有虛空，依空立世界，想澄成國土，知覺乃眾生。 空生大覺中，如海一漚發，有漏微塵國，皆依空所生， 漚滅空本無，況復諸三有？歸元性無二，方便有多門。 聖性無不通，順逆皆方便，初心入三昧，遲速不同倫。
53	P360- 6 - p369- 6	我今白世尊：佛出娑婆界，此方真教體，清淨在音聞。 欲取三摩提，實以聞中入。離苦得解脫，良哉觀世音！ 於恒沙劫中，入微塵佛國，得大自在力，無畏施眾生。 妙音觀世音，梵音海潮音，救世悉安寧，出世獲常住。 我今啟如來，如觀音所說，譬如人靜居，十方俱擊鼓， 十處一時聞，此則圓真實。目非觀障外，口鼻亦復然， 身以合方知，心念紛無緒。隔垣聽音響，遐邇俱可聞， 五根所不齊，是則通真實。音聲性動靜，聞中為有無， 無聲號無聞，非實聞無性。聲無既無滅，聲有亦非生， 生滅二圓離，是則常真實。縱令在夢想，不為不思無， 覺觀出思惟，身心不能及。今此娑婆國，聲論得宣明。 眾生迷本聞，循聲故流轉，阿難縱強記，不免落邪思， 豈非隨所淪，旋流獲無妄？阿難汝諦聽：我承佛威力， 宣說金剛王，如幻不思議，佛母真三昧。汝聞微塵佛， 一切秘密門，欲漏不先除，畜聞成過誤。將聞持佛佛， 何不自聞聞？聞非自然生，因聲有名字，旋聞與聲脫， 能脫欲誰名？一根既返源，六根成解脫，見聞如幻翳， 三界若空華，聞復翳根除，塵銷覺圓淨。淨極光通達， 寂照含虛空。卻來觀世間，猶如夢中事，摩登伽在夢， 誰能留汝形？如世巧幻師，幻作諸男女，雖見諸根動， 要以一機抽，息機歸寂然，諸幻成無性。六根亦如是， 元依一精明，分成六和合，一處成休復，六用皆不成， 塵垢應念銷，成圓明淨妙。餘塵尚諸學，明極即如來。 大眾及阿難，旋汝倒聞機，反聞聞自性，性成無上道， 圓通實如是。此是微塵佛，一路涅槃門：過去諸如來， 斯門已成就；現在諸菩薩，今各入圓明；未來修學人， 當依如是法，我亦從中證，非唯觀世音。誠如佛世尊， 詢我諸方便，以救諸末劫，求出世間人，成就涅槃心， 觀世音為最。自餘諸方便，皆是佛威神。即事捨塵勞， 非是長修學，淺深同說法。頂禮如來藏，無漏不思議。 願加被未來，於此門無惑，方便易成就。堪以教阿難，

		及末劫沈淪，但以此根修，圓通超餘者，真實心如是。
54	P372-6 - p388-5	<p>佛告阿難：汝常聞我毗奈耶中，宣說修行，三決定義，所謂攝心為戒，因戒生定，因定發慧，是則名為三無漏學。</p> <p>阿難，云何攝心，我名為戒？</p> <p>若諸世界，六道眾生，其心不婬，則不隨其生死相續，汝修三昧，本出塵勞，婬心不除，塵不可出。縱有多智，禪定現前，如不斷婬，必落魔道：上品魔王，中品魔民，下品魔女。彼等諸魔，亦有徒眾，各各自謂成無上道。我滅度後，末法之中，多此魔民，熾盛世間，廣行貪婬，為善知識，令諸眾生，落愛見坑，失菩提路。</p> <p>汝教世人，修三摩地，先斷心婬，是名如來，先佛世尊，第一決定，清淨明誨。是故阿難，若不斷婬，修禪定者，如蒸砂石，欲其成飯，經百千劫，祇名熱砂。何以故？此非飯本，砂石成故。汝以婬身，求佛妙果，縱得妙悟，皆是婬根。根本成婬，輪轉三塗，必不能出；如來涅槃，何路修證？必使婬機，身心俱斷，斷性亦無，於佛菩提，斯可希冀。如我此說，名為佛說；不如此說，即波旬說。</p> <p>阿難！又諸世界，六道眾生，其心不殺，則不隨其生死相續。汝修三昧，本出塵勞，殺心不除，塵不可出。縱有多智，禪定現前，如不斷殺，必落神道：上品之人，為大力鬼；中品則為飛行夜叉，諸鬼帥等；下品當為地行羅剎。彼諸鬼神，亦有徒眾，各各自謂，成無上道。我滅度後，末法之中，多此鬼神，熾盛世間，自言食肉得菩提路。阿難！我令比丘食五淨肉，此肉皆我神力化生，本無命根。汝婆羅門，地多蒸濕，加以砂石，草菜不生，我以大悲神力所加，因大慈悲假名為肉，汝得其味。奈何如來滅度之後，食眾生肉，名為釋子！</p> <p>汝等當知，是食肉人，縱得心開，似三摩地，皆大羅剎，報終必沈生死苦海，非佛弟子。如是之人，相殺相吞，相食未已，云何是人得出三界？汝教世人，修三摩地，次斷殺生。是名如來先佛世尊，第二決定清淨明誨。是故阿難！若不斷殺，修禪定</p>

者，譬如有人：自塞其耳，高聲大叫，求人不聞，此等名為欲隱彌露。清淨比丘，及諸菩薩，於歧路行，不蹋生草，況以手拔？云何大悲，取諸眾生，血肉充食。若諸比丘，不服東方，絲、綿、絹、帛，及是此土，靴、履、裘、毳，乳、酪、醃、醐，如是比丘，於世真脫，酬還宿債，不遊三界。何以故？服其身分，皆為彼緣；如人食其地中百穀，足不離地。必使身心，於諸眾生，若身身分，身心二塗，不服不食，我說是人真解脫者。如我此說，名為佛說，不如此說，即波旬說。

阿難！又復世界，六道眾生，其心不偷，則不隨其生死相續。汝修三昧，本出塵勞，偷心不除，塵不可出。縱有多智，禪定現前，如不斷偷，必落邪道；上品精靈，中品妖魅，下品邪人，諸魅所著。彼等群邪，亦有徒眾，各各自謂，成無上道。我滅度後，末法之中，多此妖邪，熾盛世間，潛匿姦欺，稱善知識，各自謂已，得上人法，誘惑無識，恐令失心，所過之處，其家耗散。我教比丘，循方乞食，令其捨貪，成菩提道。諸比丘等，不自熟食，寄於殘生，旅泊三界，示一往還，去已無返。云何賊人，假我衣服，裨販如來，造種種業，皆言佛法？卻非出家，具戒比丘，為小乘道，由是疑誤無量眾生，墮無間獄。若我滅後，其有比丘，發心決定，修三摩提，能於如來形像之前，身然一燈，燒一指節，及於身上，爇一香炷。我說是人，無始宿債，一時酬畢，長揖世間，永脫諸漏，雖未即明無上覺路，是人於法，已決定心。若不為此，捨身微因，縱成無為，必還生人，酬其宿債，如我馬麥，正等無異。汝教世人，修三摩地，後斷偷盜，是名如來先佛世尊，第三決定，清淨明誨。

是故阿難！若不斷偷，修禪定者，譬如有人，水灌漏卮，欲求其滿，縱經塵劫，終無平復。若諸比丘，衣鉢之餘，分寸不畜，乞食餘分，施餓眾生。於大集會，合掌禮眾，有人捶詈，同於稱讚。必使身、心，二俱捐捨；身肉骨血，與眾生共。不將如來，不了義說，迴為己解，以誤初學；佛印是人，得真三昧。如我所說，名為佛說，不如此說，即波旬說。

阿難！如是世界，六道眾生，雖則身心，無殺、盜、姪，三行已圓，若大妄語，即三摩地，不得清淨，成愛見魔，失如來種。所

		<p>謂：未得謂得，未證言證。或求世間尊勝第一，謂前人言：我今已得須陀洹果，斯陀含果，阿那含果，阿羅漢道，辟支佛乘，十地地前，諸位菩薩。求彼禮懺，貪其供養。是一顛迦，銷滅佛種，如人以刀，斷多羅木，佛記是人，永殞善根，無復知見，沈三苦海，不成三昧。我滅度後，敕諸菩薩，及阿羅漢，應身生彼末法之中，作種種形，度諸輪轉。或作沙門，白衣居士，人王、宰官，童男、童女，如是乃至姪女寡婦，姦、偷、屠、販，與其同事，稱讚佛乘，令其身心，入三摩地。終不自言：我真菩薩，真阿羅漢，泄佛密因，輕言末學。唯除命終，陰有遺付。云何是人惑亂眾生，成大妄語？</p> <p>汝教世人，修三摩地，後復斷除，諸大妄語，是名如來，先佛世尊，第四決定，清淨明誨。</p> <p>是故阿難！若不斷其大妄語者，如刻人糞，為梅檀形，欲求香氣，無有是處。</p> <p>我教比丘，直心道場，於四威儀，一切行中，尚無虛假，云何自稱，得上人法？</p> <p>譬如窮人，妄號帝王，自取誅滅。況復法王，如何妄竊？因地不真，果招紆曲，求佛菩提，如噬臍人，欲誰成就？若諸比丘，心如直絃，一切真實，入三摩地，永無魔事。我印是人，成就菩薩，無上知覺。如我所說，名為佛說，不如此說，即波旬說。</p>
<p>卷七</p>		
55	P393-1 - p394-3	<p>阿難！汝問攝心，我今先說，入三摩地，修學妙門。求菩薩道，要先持此四種律儀，皎如冰霜，自不能生一切枝葉。心三口四，生必無因。阿難！如是四事，若不遺失，心尚不緣色、香、味、觸，一切魔事，云何發生，若有宿習不能滅除，汝教是人，一心誦我，佛頂光明，摩訶薩怛，多般怛羅，無上神咒。斯是如來，無見頂相，無為心佛，從頂發輝，坐寶蓮華，所說心咒，</p>
56	P404-3	<p>楞嚴咒 *(唸順即可)</p>
57	P455-6 - p456-	<p>阿難當知，妙性圓明，離諸名相，本來無有，世界眾生。因妄有生，因生有滅，生滅名妄。滅妄名真，是稱如來，無上菩提，及大涅槃，二轉依號。</p>

	5	阿難！汝今欲修，真三摩地，直詣如來大涅槃者。先當識此眾生、世界，二顛倒因。顛倒不生，斯則如來真三摩地。
卷八		
58	P469- 1 - p469- 6	阿難！如是眾生，一一類中，亦各各具十二顛倒。猶如捏目，亂華發生。顛倒妙圓，真淨明心，具足如斯，虛妄亂想。汝今修證，佛三摩提，於是本因，元所亂想，立三漸次，方得除滅。如淨器中，除去毒蜜，以諸湯水，并雜灰香，洗滌其器，後貯甘露。 云何名為三種漸次： 一者修習，除其助因； 二者真修，剝其正性； 三者增進，違其現業。
59	P470- 3 - p470- 5	阿難！如是世界，十二類生，不能自全，依四食住。 所謂：段食、觸食、思食、識食。 是故佛說：一切眾生，皆依食住。 阿難！一切眾生，食甘故生，食毒故死。是諸眾生，求三摩提，當斷世間，五種辛菜，是五種辛，熟食發姪，生啖增恚。如是世界，食辛之人，縱能宣說，十二部經。十方天仙，嫌其臭穢，咸皆遠離；諸餓鬼等，因彼食次，舐其唇吻，常與鬼住。福德日銷，長無利益。是食辛人修三摩地，菩薩天仙，十方善神，不來守護。
60	P474- 2 - p475- 1	阿難！如是清淨，持禁戒人，心無貪姪，於外六塵，不多流逸。因不流逸，旋元自歸，塵既不緣，根無所偶，反流全一，六用不行。十方國土，皎然清淨，譬如琉璃，內懸明月。身心快然，妙圓平等，獲大安隱。一切如來，密圓淨妙，皆現其中。是人即獲無生法忍。從是漸修，隨所發行，安立聖位。是則名為，第三增進，修行漸次。
61	P475- 3 -	阿難！是善男子，欲愛乾枯，根境不偶，現前殘質，不復續生。執心虛明，純是智慧，慧性明圓，鑒十方界。乾有其慧，名乾慧

	p475-6	地。欲習初乾，未與如來，法流水接。即以此心，中中流入，圓妙開敷，從真妙圓，重發真妙。
62	P494-5 - p494-7	阿難！一切世間，生死相續，生從順習，死從變流，臨命終時，未捨煖觸，一生善惡，俱時頓現，死逆生順，二習相交。 純想即飛，必生天上； 若飛心中，兼福兼慧，及與淨願，自然心開，見十方佛，一切淨土，隨願往生。 情少想多，輕舉非遠，即為飛仙，大力鬼王，飛行夜叉，地行羅剎，遊於四天，所去無礙。 其中若有善願善心，護持我法，或護禁戒，隨持戒人，或護神咒，隨持咒者，或護禪定，保綏法忍。是等親住，如來座下。 情想均等，不飛不墜，生於人間，想明斯聰，情幽斯鈍。 情多想少，流入橫生，重為毛群，輕為羽族。
卷九		
63	P546-6 - p547-6	阿難！不斷三業，各各有私，因各各私，眾私同分，非無定處，自妄發生，生妄無因，無可尋究。汝勗修行，欲得菩提，要除三惑。不盡三惑，縱得神通，皆是世間，有為功用，習氣不滅，落於魔道，雖欲除妄，倍加虛偽，如來說為，可哀憐者，汝妄自造，非菩提咎。作是說者，名為正說，若他說者，即魔王說。
64	P550-4 - p551-2	當知虛空，生汝心內，猶如片雲，點太清裏，況諸世界，在虛空耶？汝等一人，發真歸元，此十方空，皆悉銷殞，云何空中，所有國土，而不振裂？汝輩修禪，飾三摩地，十方菩薩，及諸無漏，大阿羅漢，心精通溜，當處湛然。
65	P552-4 - p552-6	由汝心中，五陰主人，主人若迷，客得其便。當處禪那，覺悟無惑，則彼魔事，無奈汝何。
66	P553-7 - p554-6	阿難當知！汝坐道場，銷落諸念，其念若盡，則諸離念，一切精明，動靜不移，憶忘如一。當住此處，入三摩提，如明目人，處大幽暗，精性妙淨，心未發光，此則名為，色陰區宇。

		若目明朗，十方洞開，無復幽黯，名色陰盡，是人則能，超越劫濁，觀其所由，堅固妄想，以為其本。
67	P562- 6 - p563- 6	阿難！彼善男子，修三摩提，奢摩他中，色陰盡者，見諸佛心，如明鏡中，顯現其像。若有所得，而未能用，猶如魘人，手足宛然，見聞不惑，心觸客邪，而不能動，此則名為，受陰區宇。 若魘咎歇，其心離身，返觀其面，去住自由，無復留礙，名受陰盡，是人則能，超越見濁。觀其所由，虛明妄想，以為其本。
68	P576- 4 - p577- 6	阿難！彼善男子，修三摩提，受陰盡者，雖未漏盡，心離其形，如鳥出籠，已能成就，從是凡身，上歷菩薩，六十聖位，得意生身，隨往無礙。譬如有人，熟寐寤言，是人雖則，無別所知，其言已成，音韻倫次，令不寐者，咸悟其語，此則名為，想陰區宇。 若動念盡，浮想銷除，於覺明心，如去塵垢，一倫生死，首尾圓照，名想陰盡。是人則能，超煩惱濁，觀其所由，融通妄想，以為其本。
卷十		
69	P609- 1 - p610- 6	阿難！彼善男子，修三摩提，想陰盡者，是人平常，夢想銷滅，寤寐恒一，覺明虛靜，猶如晴空，無復羶重，前塵影事。觀諸世間，大地山河，如鏡鑑明，來無所黏，過無蹤跡，虛受照應，了罔陳習，唯一精真。生滅根元，從此披露，見諸十方，十二眾生，畢殫其類，雖未通其各命由緒，見同生基，猶如野馬。熠熠清擾，為浮根塵，究竟樞穴，此則名為，行陰區宇。 若此清擾，熠熠元性，性入元澄，一澄元習，如波瀾滅，化為澄水，名行陰盡。是人則能，超眾生濁，觀其所由，幽隱妄想，以為其本。
70	P632- 3 - p634- 1	阿難！彼善男子，修三摩提，行陰盡者，諸世間性，幽清擾動，同分生機，條然隳裂，沈細綱紐，補特伽羅，酬業深脈，感應懸絕。於涅槃天，將大明悟，如雞後鳴，瞻顧東方，已有精色。六根虛靜，無復馳逸，內外湛明，入無所入。深達十方，十二種

		<p>類，受命元由；觀由執元，諸類不召，於十方界，已獲其同；精色不沈，發現幽秘。此則名為，識陰區宇。</p> <p>若於群召，已獲同中，銷磨六門，合開成就，見聞通鄰，互用清淨。十方世界，及與身心，如吠琉璃，內外明徹，名識陰盡。是人則能，超越命濁，觀其所由，罔象虛無，顛倒妄想，以為其本。</p>
71	P646-5 - p648-3	<p>識陰若盡，則汝現前，諸根互用，從互用中，能入菩薩，金剛乾慧，圓明精心，於中發化。如淨琉璃，內含寶月，如是乃超十信、十住、十行、十迴向、四加行心，菩薩所行，金剛十地，等覺圓明。入於如來，妙莊嚴海，圓滿菩提，歸無所得。此是過去，先佛世尊，奢摩他中，毗婆舍那，覺明分析，微細魔事。魔境現前，汝能諳識，心垢洗除，不落邪見，陰魔銷滅，天魔摧碎，大力鬼神，褫魄逃逝，魑、魅、魍、魎，無復出生。直至菩提，無諸少乏，下劣增進，於大涅槃，心不迷悶。</p>
72	P649-2 - p649-5	<p>重復白佛：如佛所言，五陰相中，五種虛妄，為本想心，我等平常，未蒙如來，微細開示。</p> <p>又此五陰，為併銷除，為次第盡？</p> <p>如是五重，詣何為界？</p> <p>惟願如來，發宣大慈，為此大眾，清淨心目，以為末世，一切眾生，作將來眼。</p>
73	P649-7 - p650-2	<p>佛告阿難：精真妙明，本覺圓淨，非留死生，及諸塵垢，乃至虛空，皆因妄想，之所生起。斯元本覺，妙明真精，妄以發生，諸器世間，如演若多，迷頭認影。妄元無因，於妄想中，立因緣性，迷因緣者，稱為自然，彼虛空性，猶實幻生，因緣、自然，皆是眾生，妄心計度。</p>
74	P651-2 - p651-4	<p>五陰本因，同是妄想。汝體先因，父母想生，汝心非想，則不能來，想中傳命。如我先言：心想醋味，口中涎生；心想登高，足心酸起；懸崖不有，醋物未來，汝體必非，虛妄通倫，口水如何，因談醋出？是故當知，汝現色身，名為堅固，第一妄想。</p>

75	P651-7 - p655-1	<p>即此所說，臨高想心，能令汝形，真受酸澀。由因受生，能動色體，汝今現前，順益違損，二現驅馳，名為虛明，第二妄想。</p> <p>由汝念慮，使汝色身，身非念倫，汝身何因，隨念所使，種種取像，心生形取，與念相應。寤即想心，寐為諸夢，則汝想念，搖動妄情，名為融通，第三妄想。</p> <p>化理不住，運運密移，甲長髮生，氣銷容皺，日夜相代，曾無覺悟。阿難，此若非汝，云何體遷，如必是真，汝何無覺？則汝諸行，念念不停，名為幽隱，第四妄想。</p> <p>又汝精明，湛不搖處，名恒常者，於身不出，見、聞、覺、知，若實精真，不容習妄。何因汝等，曾於昔年，睹一奇物，經歷年歲，憶妄俱無？於後忽然，覆睹前異，記憶宛然，曾不遺失，則此精了，湛不搖中，念念受熏，有何籌算？阿難當知：此湛非真，如急流水，望如恬靜，流急不見，非是無流，若非想元，寧受妄習。非汝六根，互用開合，此之妄想，無時得滅。故汝現在，見、聞、覺、知，中串習幾，則湛了內，罔象虛無，第五顛倒，微細精想。</p>
76	P655-1 - p655-7	<p>阿難！是五受陰，五妄想成。汝今欲知，因界淺深，</p> <p>唯色與空，是色邊際。 唯觸及離，是受邊際。 唯記與忘，是想邊際。 唯滅與生；是行邊際。 湛入合湛，歸識邊際。 此五陰元，重疊生起， 生因識有，滅從色除。 理則頓悟，乘悟併銷； 事非頓除，因次第盡。</p> <p>我已示汝，劫波巾結，何所不明，再此詣問？汝應將此，妄想根元，心得開通，傳示將來，末法之中，諸修行者，令識虛妄，深厭自生，知有涅槃，不戀三界。</p>

希望各位學人，以一年時間，能背熟，才能念念觀照自心，定中才顯智，智才能離生死，否則就是分別、執著識心，識心就是生死來源，

(完)